

《教觀綱宗》補充講表

◎附表十三：以下糅合《教觀綱宗科釋》

○亦詮別入通三諦（以下糅合《教觀綱宗釋義》）

◆通教止云：有漏是俗，無漏是真。今立非漏非無漏句，以顯中道。則三諦義成。蓋由前通含別二諦，故成此別入通三諦也。

○亦詮圓入通三諦（以下糅合《教觀綱宗釋義》）

◆二諦同前，今立非漏非無漏句，以顯中道。一切法皆趣非漏無漏，則此非漏無漏具一切法，圓中義成。蓋由前通含圓二諦，故成此圓入通三諦也。

○開示界內利根眾生，令修體空觀，出分段生死，證真諦涅槃。

◆三輩共稟無生之教，故曰：利根眾生。了諸法緣生，緣生無性，當體即空，故云：體空觀。不同三藏滅色而後空也。

○理即者，無生也。諸法不自生，…不共不無因，是故知無生。（以下糅合《天台宗綱要》）

◆無生之理即是真空法性。《中論》說：「諸法不自生，亦不從他生，不共不無因，是故知

無生。」一切諸法，不論是心是境，都如鏡花水月，乾城陽燄，既非自生，亦非他生，亦非自他和合而生，亦非無因而生，四句推檢，求其生相，了不可得，名為無生。

○解苦無苦，而有真諦。苦尚即真，況集滅道。（以下糅合《教觀綱宗釋義》）

◆真諦即在虛妄苦諦之上，如空處，即在華處，無二處也。於此真諦，假立四名，四並即真，真非事外，乃是通教所詮之理。

○名字即者，幻化也：了達真空法性。即了知一切色法、心法，世間法、出世間法，有漏法、無漏法，都是因緣所生，當體即是真空法性，猶如幻化夢境，非有而有，有即非有。

○觀行即者：一、乾慧地也。（以下糅合天臺四教儀註彙補輔宏記卷七之下）

◆雖有能觀之智，然所照之惑火未亡，真諦之理水未顯。既未有理水，乾有其慧，故得乾慧之名也。是知惑喻如火，理譬如水；惑亡理顯，猶水之尅火也。

◆三乘之初，同名乾慧，即是體法五停心、別相、總相四念處觀，事相不異三藏。此三階門，體陰入界如幻如化，總破見愛八倒，名身念處。受、心、法，亦如是。

◆雖未得煖法相似理水，而總相智慧深利，故稱乾慧地。